



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

Concessio Indvlgentiae conuenientibus ad concionem, & Missam maiorem,
& ad orationem, & processionem sub vexillo.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

vero Ecclesijs quinque annos indulgentiæ in forma Ecclesiæ consueta concedimus; ac vero semel in anno die ab Episcopo præscribendo si sacram etiam Eucharistiam verè pœnitentes, & confessi sumpserint, plenariam omnium peccatorum suorum indulgentiam, & remissionem, tenore præsentium largimur. Præsentibus perpetuis futuris temporibus valituris. Dat. Romæ apud Sanctum Petrum, sub Annulo Piscatoris, die V. Apr. M D LXX X. Põtificatus nostri, Anno octavo.

Cæ. Gloricius.

CONCESSIO INDVLTIAE
conuenientibus ad concionem, & Missam maiorem, & ad orationem, & processionem sub vexillo.

GREGORIVS PAPA XIII.



Ad perpetuam rei memoriam, Cum nihil Pastoralis nostre sollicitudini eque cordi sit, quam salus animarum, idcirco, quibus possumus, rationibus. Christi fideles ad exercitationes spirituales, piaque officia incitamus; ut hac via incidentes per obseruationem mandatorum Domini, diuinam misericordiam, & gratiam consequi mereantur. Itaque de Omnipotentis Dei misericordia, ac Beatorum Petri, & Pauli Apostolorum eius, auctoritate confisi, omnibus vtriusque sexus Christi fidelibus in Prouincia Mediolanense pro tempore existentem qui sacrum sermonem, concionemue audierint, quoties id egerint, toties quinquaginta dierum; qui vero die festo Missæ maiori interfuerint, trium annorum, & totidem quadragenarum; qui Vesperis vnus anni; qui Completorio quinquaginta dierum indulgentiam in forma Ecclesiæ consueta concedimus. Præterea ijs, qui collegiatim sub vexillo suæ Ecclesiæ conuenerint ad uisitacionem alicuius Ecclesiæ, aut sacre Reliquiæ, toties centum dierum, si ad processionem generalem quinquaginta dierum; si ad processionem particularem, viginti quinque dierum: si ad stationem orationis publicæ celebrandæ centum dierum. His vero qui consueuerint, ut plurimum hæc officia, & exercitationes spirituales cum Parochiali uicinia collegiatim obire, semel in anno, & sanctissima Communionem sumpta in die festo proprio, & præcipuo suæ Parochiæ plenariam omnium peccatorum suorum indulgentiam.

dulgentiam, & remissionem concedimus, & elargimur. Contrarijs non obstantibus quibuscumque. Presentibus perpetuis futuris temporibus valituris. Dat. Romæ apud Sanctum Petrum, sub Annulo Piscatoris, die quinto Aprilis, Millesimo, Quingentesimo, Octuagesimo. Pontificatus nostri, Anno octauo.

Ca. Glorietius.

CONCESSIO INDVLGENTIAE
celebrantibus, & conuenientibus ad Missam
congregationum foranearum.

GREGORIUS PAPA XIII.



Niuerfis Christi fidelibus presentes literas inspecturis salutem, & Apostolicam benedictionem. Ad augendam fidelium religionem, & animarum salutem caelestibus Ecclesie thesauris pia charitate intenti, omnibus, & singulis Sacerdotibus Prouinciæ Mediolanensis, qui Missam congregationis quæ quolibet mense à Sacerdotibus foraneis ad præscriptum Decreti Prouincialis Mediolanen. habetur, celebrauerint, nec non omnibus Christi fidelibus qui dictæ Missæ interfuerint, unum annum de iniunctis eis, seu aliàs quomodolibet debitis poenitentijs misericorditer in Domino relaxamus. Presentibus perpetuò valituris. Dat. Romæ apud Sanctum Petrum, sub Annulo Piscatoris, die X. Aprilis, Millesimo, Quingentesimo, Octogesimo. Pontificatus Nostri, Anno octauo.

Ca. Glorietius.

CONCESSIO INDVLGENTIAE
certa hora orantibus pro defunctis.

GREGORIUS PAPA XIII.

V Niuerfis Christi fidelibus in Prouincia Mediolanen. constitutis presentes literas inspecturis, salutem, & Apostolicam benedictionem. fidelium defunctorum animas viuorum suffragijs iuuari pia charitate cupientes, spiritualia munera libenter proponimus, ut ijs al-

lecti